



柳洲詩集卷之五

毛蕃蔣

瑒

陳增新李炳

同學

全選

李煒魏允枚


魏允柟曹鑑平

七言古詩二

周振璜 二見

邗關值驛聲弟北歸因作歌以慰之

廣陵五月桐華飛天涯遊子薊門歸憶昔北征在



秋杪各天夢斷音書杳。少遊欵段滯京華。春風吹
徹上苑花。自向金門獻詞賦。羞從玉第奏琵琶。上
策縱橫不見收。窮途何處銷離愁。邗溝乍逢私獨
喜。壯心慷慨不能已。行年三十未成名。爾我相看
俱若此。握手踟躕莫重陳。一時遇合何足論。主父
鼎烹悔已晚。華亭鶴唳聲復吞。朝爲卿相暮囚虜。
小者身夷大滅戶。人生富貴竟何庸。我欲狂歌爾
且舞。

晚過天門

兩山相夾江流其中如束號曰天門

博望山頭萬木平。西梁山下白沙鳴。蒼茫對峙連
雲霧。江湖石走相迴顧。中有盤渦百丈深。青鳧白
鷺俱愁心。帆直上如飛鳥。造次絕險方悄悄。兩
山樵子負薪歌。客子坐聽忘層波。須臾但見蒹葭
綠。千山萬山何連續。片片斜陽山影寒。江靜啣杯
倚棹看。

輝六日才
思雄放

魏允枚

三見

亭彥曰卜臣七言古不襲太白之聲調而
有其遠神極得少陵之沉雄而無其累句

馳騁盡變步伐秩

如真節制之師也

子更曰亭彥謂卜臣能兼李杜之長以其

氣體駿健耳然卜臣雅意實不宗此兩家

大約視常待較縉視東川

較壯折衷其間遂成獨造

交讓曰七言古吾黨極推禹書惟卜

臣可與競爽俊逸不及而沉鬱過之

寄獻容城孫鍾元先生時方隱居授徒百泉

太乙之山何崔嵬。星分箕畢光昭回。篤生孫公實

人傑。卓犖群推命世才。壯心欲壓高陽壘。盛氣直

凌天風臺。少年奮翮試翱翔。歲蕤朱鳳揚輝煌。睥

睨當代無足數。兄事宗衮。謂高陽弟奉常。謂鹿伯

也大兒小兒那在眼。負劍膝席誰抗行。知名三輔

賢豪輩。結客五陵游俠場。文章豈羨金門彥。典冊

還窮石室藏。鬱鬱負奇三十歲。獻策浮沉不得意。

賈生五餌竟焉陳。大夫七術渾未試。青巾白馬俄

橫流。塗炭神州勢孔熾。甲申之春妖萘紅。始陷秦

晉復幽冀。先人深懷傳爨悲。相逢每下憂時涕。多

君慷慨不辭難。與君結約期舉義。指顧便集勤王

師。旗幟皆書篆。心字那知義旅難。卒合賊鋒三日

排。閭闔乾坤晝折日月昏。天柱西頽地維拉。皇帝

柳洲詩集 卷五
鑄。鼎。荆。山。南。赤。虬。爲。服。螭。爲。驂。誰。其。從。者。駕。格。澤。
庶。常。授。命。攀。龍。髯。漁。陽。突。騎。趨。風。到。電。擊。妖。氛。一。
時。掃。雖。然。妖。氛。一。時。掃。風。塵。不。辨。燕。山。道。孫。公。移。
家。思。避。秦。五。噫。長。詠。成。高。蹈。百。泉。流。水。瀉。清。漣。蘇。
門。層。嶂。能。窈。窕。明。膏。寧。天。龔。勝。年。癸巳下 詔曼
徵公公不就
聲。且。作。孫。登。嘯。著。籍。生。徒。常。數。百。擔。簦。爭。就。高。賢。
宅。河。汾。門。下。盡。王。佐。華。陰。市。前。皆。上。客。會。向。磻。溪。
蘊。玉。璜。何。如。圯。上。逢。黃。石。

掌公曰慷慨一
時涕流千古

贈鄆陵鄭公靜

漢彬曰序事是卜臣所長此作追述還密
先生甲申殉難本末悲惋宏壯讀者動容

榮陽號甲族。安陵稱名邦。家聲本第一。國士總無。
雙。燕。山。春。色。搖。翠。羽。落。英。飛。絮。紛。如。雨。華。堂。速。客。
綺。筵。開。與。君。接。席。龔。公。許。各。通。姓。氏。雅。相。聞。意。氣。
傾。倒。凌。青。雲。卽。今。樽。俎。可。結。納。豈。獨。杵。臼。能。殷。勤。
把。臂。定。交。從。此。始。金。臺。淪。落。同。爾。爾。去。國。將。辭。碣。
石。宮。渡。河。猶。及。桃。花。水。愧。我。重。爲。洛。下。遊。羨。君。高。
卧。元。規。里。晴。雲。縹。緲。蔭。平。川。臨。岐。不。語。心。茫。然。震。

澤秋高風正緊。鴻書一葉下吳天。

寄送駱叔夜之任三原

駱生卓犖天下才。結納知名郭隗臺。射策漢廷推
上第。橫經越地羅群材。年過三十不得志。便就選
人求作吏。三原幸借使君賢。號稱劇縣頗難治。正
逢宣室前席時。天子臨軒親引對。秦中自古爲帝
京。借客探丸滿渭城。發奸摘伏良在汝。當令桴鼓
夜不鳴。君承寵命拜稽首。尚方賜出青絲綬。飛鳥
遙憐杜曲花。行春且貰新豐酒。我聞三原有王公。

勲業先朝莫比隆。英謨颯爽長如在。梓里風光不
復同。憑將十載滄桑淚。灑向千年俎豆中。

席上聽蘇崑生度曲歌

寒飈撼撼鳴枯桑。有客夜飲君子堂。酒闌人靜席
半起。絲竹不奏聞清商。嚴霜欲白塵欲落。響遏行
雲聲繞梁。秦青韓娥那足擬。白雪陽春未易當。借
問誰人爲此曲。蘇生宛轉當筵屬。自言家世居汝
陰。少小入吳操。吳音學成一日空。儕輩天下往往
傾其心。是時寧南爲上將。擁麾秉鉞一何壯。鐵券

瑯戈出尚方。選伎徵歌窮楚望。幸舍三千不厭多。
黃金百鎰輕相餉。以茲西作荆襄遊。戟門伏謁俄
見留。始逢置酒高會日。更容按節揚芳謳。華燈灼
爍。瓊瑜紫四座。不覺湘江流。寧南顧之顏色喜。坐
以上座與亢禮。一朝長揖大將軍。幾載追隨幕府
裏。草綠禰衡墓上。還月明庾亮樓中起。那知淪落
十年來。嘆息梁王安在哉。夜雨平蕪。逝舞榭。秋風
啼鳩下。吹臺我聞斯言。淚沾臆。寧南志本清。君側
晉陽之甲。徒逡巡。行及九江。竟折翼。九江波浪何

匆匆直與遼海爲先聲。應憐珠履當時客。猶自人
前說姓名。

輝六日嘉州蘆管無此高華東川胡
笳無此整栗香山琵琶不足道也

淮陰侯釣臺

假檝山陽道。高城倚水開。淮陰昔游地。垂綸有釣
臺。釣臺岑寂臨官路。日夕行人自來去。依舊年年
草色青。王孫淪落知何處。

鄴都懷古

鄴中自古號名都。綺麗紛華天下無。迢迢翠幃當

衢迥轟轟朱輪夾道驅朱輪翠幃如驚電縱橫畫
入文昌殿西園公子夜行遊南皮賓客朝承宴銅
爵嚙曉高插天西陵歌舞自年年宮中巧作靈蛇
髻樂府爭傳白馬篇須臾華屋埋荒草總帳飄零
墓田杳凍水無聲咽不流悲歌一曲漳河曉

七夕詞

少昊司時辰火流朱光既夕涼雲浮天榆歷歷河
邊冷月桂蕭蕭漢曲秋河邊漢曲明星轉織女黃
姑夜來見鳳駕初停北渚通龍梭暫輟南陽宴穿

針風俗特相宜乞巧年年競女兒華燈夜照三芝
室綵縷宵臨百子池層城迢遞天如水繡戶璇閨
月明裏分菓中庭設几筵散香高閣紛羅綺別有
仙人塵外蹤人間遊戲自從容緱氏山前乘白鶴
承華殿上駕斑龍斑龍白鶴傳伊昔縹緲雲衢杳
難迹望斷三更烏鵲橋愁深一夜鴛鴦席北斗闌
干影已斜漸看離恨起天涯臨河欲問支機石難
泛張騫萬里槎

穉賓曰工麗似宋延清明河篇
崔黃鶴本詞反嫌取境稍狹

銀瓶怨

憲副王念尼年伯飭兵海上較越郡士詩
題有銀瓶怨衆議紛然不解其旨友人徐
克家以語予予曰此中晚七言古題耳如
張文昌之古釵嘆温飛卿之舞衣曲織錦
詞諸篇可例也因擬其體各得一章

效張文昌

梧桐樹下雙金井百尺深潭浮素綆
轆轤宛轉繫長絲玉指冷冷不自持
閒庭薄暮碁聲發知是閨
中正擣衣月落霜清燭欲冥猶將織
手挽銀瓶井
深寒泉不可食美人空用三秋力

效温飛卿

玉井銀床簇綺欄西飛金鳥爲盤桓
啞啞十丈紅絲綆汲上瓊漿瑤甕寒
秋閨向晚靚粧促香夢初回睡不足
翠袖嬌携雀扇團雲鬟斜壓蘭釵綠
織纖細步下階除微颺拂檻颺輕裾
織成錦素未着水手榻沉餅轉轆轤
銀河欲斜波脉脉清碁小響珠簾隔
斂黛含情夜漏移碧梧月下空庭白

寄遠曲

碧天澄靄秋如水。颯颯涼颼中夜起。交河戍客已
三年。香閣愁心恒萬里。嗟君遠道獨踟蹰。裁就征
衣繡不如。素書緘向孤鴻翼。錦字憑將雙鯉魚。孤
鴻雙鯉成寥廓。願借明駝馳絕幕。不見人歸朱鳥
窓。空教夢繞黃沙漠。漢兵昨夜度陰山。功成蚤入
玉門關。一笑臨粧鏡前立。相看兩兩猶朱顏。

蔣會貞 二見

夏日與徐蘭生月下酌書懷

金烏欲沒玉兔來。芙蓉墜粉崇蘭開。黃金追歡有
時盡。白髮何苦常相催。與君睽間六月息。一飲須
傾三百杯。舉杯矯首望明月。月華忽墮劉伶臺。劉
伶已葬陶家側。玉缸花落生香埃。陳思斗酒聊快
意。當時七步非奇才。古人去盡明月在。廣寒隱隱
高崖崑。參橫斗轉夜漸回。對酒不醉令心哀。

倪 晉 二見

驄馬行

何來上駟八尺龍。云自渥洼池中照耀五花能

汗血聯翩九逸應追風。此馬神駿人未識。伏櫪徘徊意悽惻。自奉孫陽一顧恩。奮鬣翻蹄頓生色。過都歷塊不可當。青絲控勒黃金裝。朝趨幽冀霜猶白。暮到河源日欲黃。吾聞良驥世所羨。蹀躞紅塵掣飛電。驍騰萬里不易逢。龍媒千載何由見。

卜臣曰風格道上似少陵咏物之作

周振瑗 二見

漫興

駿馬不避太行險。大魚不畏龍門高。蓬蒿自蔽嗟

迤邐。古來何代無賢豪。十年不售長揚賦。富貴浮雲安所慕。李斯牽犬上東門。陸機聞鶴華亭路。始知寵盛不可常。何如泉石樂徜徉。有酒如澠花撲面。醉飲壚頭聊自遣。胸藏五車蝌蚪書。腰懸七尺芙蓉劍。狂歌大笑出門去。悠悠世上誰足語。

孫 錄 三見

赤茂曰古隍七言古措撰極道鍊句有法其原出于李東川釋賓曰古隍七言古與卜臣同原卜臣高秀古隍莊雅各極其勝

擣衣篇

明星熒熒夜未央。商飈應律月如霜。流黃機上銀
燈粲。紅粉樓中薤簟涼。銀燈薤簟同秋水。玉簫雁
柱歡無已。寒向深閨落日生。愁隨少婦清宵起。少
婦凝粧飾翠鈿。夫婿從軍近十年。步搖九鳳情何
限。跳脫雙螭嬌不前。誰家芳指絲桐急。蘭薰未滅
當階立。此時瀚海雪初飛。此時橫塘露半濕。雪飛
露濕邈難尋。纖纖素手拂清砧。一聲一轉自迴合。
斷續空憐萬里心。織就迴紋淚似珠。夜闌猶刺合
歡襦。密意裁縫幾量揣。寬窄知君定不殊。好語殷

勤向邊使還。將辛苦報征夫。

子更曰余與古皇同擬是題
而此作能超脫故應獨勝

古意

朔風畫角起。徵兵思猛士。手提七尺劍。擊筑聲變
徵。常膏鷓鴣血。殺人不忤視。白草黃榆出塞寒。月
明亭障被銀鞍。戰士銜枚渡隴水。將軍躍馬戍樓
蘭。璇閨少婦多愁嘆。一吹蘆管腸先斷。拂衣去之
不復顧。歷歷明星橫天半。

越石曰東川
去人不遠

採蓮曲

越王臺上鳥夜飛。浣紗隄畔採蓮歸。紅粧日映沙棠榭。翠酒風飄楊柳磯。金塘乍聽招商曲。隔溪又唱越歌。花折藕遙相望。江上採蓮獨後時。轉檝隨波意。邛憶漁陽征戍客。駕車走馬誰家子。茫茫四顧江天白。

報國寺海棠歌

三月東風花覆地。鳳城春色紅如膩。就中艷冶誰最妍。韋家亭子報國寺。珊珊初下絳仙姿。千葩萬

藥紛珠蕤。霞綃半捲。瑤臺色綺閣高。凝碧樹絲五。戾七貴連金轂。下馬攀枝紅錦簇。絲繩玉壺醉未歸。盡日行遊看不足。語燕啼鶯幾度春。湘簾蕙帳對香茵。芳華銷歇人安在。零落空隨陌上塵。惟有繁英滿深院。珊瑚薄倚迎風亂。年年旖旎爲誰憐。却並寒松老古殿。

報國寺松歌

我來燕山陌。縹緲問祇林。祇林何所有。偃蓋覆千尋。千尋天矯蔽。天日滿庭皆是青。松色精舍千年

相照耀。根株盤踞無與匹。結根舒枝何太奇。上有
飛虬下螭螭。鬱葱幾度隨僧臘。賜爵不復數秦時。
青門道上今如昨。王孫芳草成蕭索。獨有青松閱
歲寒。諸天清楚朝朝落。

卜臣曰愛敬寺古
藤歌有此矯健

吁嗟篇與王徵宣

吁嗟立身苦不早。十年四上長安道。擊劍拂衣落
日寒。桂樹小山容嘯傲。還看世路鬱嵯峨。定交縞
帶今如何。人生窮達無不可。豈肯低眉向人下。羨
心茫然。

楚黃行贈曹尚白

楚黃之域南紀雄。大崎小崎鬱龍嵒。氣干牛斗何
截薛。中天秀出雙芙蓉。由來此地本多竹。處士臨
皋森種玉。其間徃徃有異人。迹名慷慨羞微祿。君
追子建舊風流。意氣能排鸚鵡洲。十年學道空山
裏。一日還從海嶽遊。腰間惟吼雙龍鐔。白眼看人

重然諾。片語高呼。碣石開寸心。自許青雲薄。結交
鄴下與南皮。拂衣笑殺五陵兒。古人四十稱強仕。
卓絕豈得愁鬚眉。我輩行藏不可測。那復便採商
山芝。况君磊落才無偶。著述不數皇媧後。書逼三
蒼左右腕。新詩百篇酒一斗。滿眼悠悠安足論。蕭
朱行復賤雷陳。徘徊落日送君去。康莊直上 帝
城春。

子存日筆力雄勁骨節堅蒼可稱合作

憶昔行

憶昔長安道。結交五陵客。衆中一人年最少。文章
往往稱雄伯。是時獻賦入明光。銀管淋漓玉殿傍。
簇錦之袍尚方出。珂鞍繡轂羅成行。從此至尊數
召見。夜深光祿親排讌。前席曾傳抗疏名。舉朝動
色皆稱善。趨陪十載老詞臣。簪筆從容莫與倫。聽
鶯每近三宮樹。策馬常隨九陌塵。更聞退食闐車
轍。珠屏玉盃紛如雪。東方須臾河漸沒。鳳蠟熒熒
猶未滅。初停趙瑟復秦箏。協律延年譜曼聲。三千
賓客盡珠履。自言肝膽寸心明。一朝零落滿蒿萊。

貴遊相傾不相愛。故人無復任安留。門下豈有灌
夫在。疇昔驕奢事已非。金谷淒涼對夕暉。試看碧
澗橫塘上。惟有徘徊翡翠飛。

肅陶曰開

闔有法

朱適成

三見

諸同人游北山草堂予不及赴賦以述懷

北山草堂麟水東。我聞結構疑天工。主人卜居自
元季。至今坐嘯堂之中。看竹無人拒袁尹。開樽有
客依孔融。山巔有木下有澗。九松倚翠凌長空。崔

嵬雲氣生舞袖。直與恠石爭玲瓏。諸君好奇一來
此。携屐覽勝誇謝公。只因貪看松色好。啣杯信宿
停飛蓬。僕也登臨興不淺。各天蕭瑟聞驚鴻。安得
再攀小山桂。南樓高詠與君同。

交讓曰清勁似

摩詰桃源行

周珂 三見

夷門歌

秦人益兵邯鄲急。平原使者十輩集。公子赴難別
侯生。侯生不言公子驚。迴車重詢破秦策。卧內兵

符藉巾幘鼓刀朱亥隱屠中椎殺晉鄙遂成功邯鄲圍解秦人懼從此秦兵不復東七十老翁真異人三千食客誰與倫嗚呼三千食客無與倫

孔益曰筆力堅老

蔣 瑒 三見

交讓曰禹書七言古初學四傳已能工麗繼宗岑李更極雅練近復出入青蓮以輕俊之姿運其排蕩或離或合靡不入神

古嗶曰七言古易于使才未免違法禹書欽才就法而法不掩才無愧作手

匡廬山月歌送康小范入京

匡廬山高萬仞山巔月出常相近紫霄五老平如掌俯視不辨南康郡月光流影正裴裒逢君忽自匡廬來十年離亂傷心客且看明月同啣杯匡廬山邊月華歇只見匡廬不見月楚水燕臺兩地分匡廬明月常隨君黃河層冰白皚皚薊丘木葉落紛紛燕昭曾虛郭隗席勸君一展凌雲翮策馬先過碣石宮看花還遍長安陌回首高歌歸去來匡廬山月年年白

弄珠樓

樓爲嘉靖時鬱林陳公所建也宅于東湖
之洲環樓皆水九川出入湖口波光競射
如龍之弄珠因以名焉蓋將軍已去猶傳
黃鶴之名才子云亾尙有白雲之跡流連
勝地慨念昔人率爾成詩以誌陳公好事
云爾

當湖湖東起高閣嘉靖年間鬱林作朱薨碧瓦炤
東臯綠柳清潭映西郭我同漁父逐輕舸日晚停
橈樓下泊徘徊登眺一孤洲水入東湖九派收矯
如群龍趨大壑躍如明月蕩中流九川錦浪當窓
送陽侯射樓樓不動乍看暮靄映翠巒復見朝雲
縈棟棟弄珠樓空湖水深蕭條山水發清音陳君
一去風流歇樓閣崔嵬自古今

大風過震澤

具區洪波高如山穹窿縹緲雄其間東望空濛雜
烟雨蒼茫不辨有吳關山中榜人不得渡但見漁
父鼓浪相追攀鼉鼉出沒魚龍舞使我對之彫朱
顏日暮天昏風轉急黑雲蔽天浪頭白唇樓蛟室

半浮沉萬里銀濤瀉空碧洞庭灣內水雲幽客子
 移舟逐細流夜半蓬窓風雨吼魂驚魄悸無時休
 明日風微波浪歇錦帆蘭槳山邊發還將絲纜繫
 湖干去住彼此何超忽回首湖山路縟漫靈威石
 室夢中看丹苞朱實乍隱見層巒積翠遙噴皖子
 胥吹簫一何苦少伯乘舟強自寬安得上登七十
 二之高峰下窮三萬六千頃之狂瀾置身洞天與
 福地矯掌人間行路難

輝六日少陵漢陂行以沉鬱取勝太白蜀道難以豪宕見奇此作能兼二篇之美

寄懷李三條侯

時吳大北行因有此寄

淮陰有奇士誰者李條侯肝膽傾湖海意氣凌滄
 洲雕鞍錦鞵五花馬寶刀玉鞘千金裘酒酣一上
 宴花樓清霜明月生吳鈎眼中未識李生面側聞
 吳子言堪羨江南江北空相思千里秋風阻歡宴
 吳郎此日向邳城恨不因之見李生不可見空復
 情鬱洲何蒼蒼淮水何盈盈夢隨明月渡淮水手
 挹二子游太清驂鸞騎鶴朝帝京素娥玉女紛相
 迎雲和之瑟吹鳳笙噤噤有似鷓鴣鳴隨風一夜

登蓬瀛下窺人間心不平。君不見原嘗春陵四公子。三千食客誰爲死。又不見慶卿一去易水寒。匹夫感激太子丹。人生結交會有因。何必長嗟行路難。沽我酒一開顏。王孫城下水潺湲。寄君詩爲君憶。漂母祠邊生叢棘。恩亦不可忘。人亦不可測。韓王未遇隆準公。淮陰少年不相識。

送林衡者還閩

君本閩南人。愛看江南月。生年三十未得意。浪游二載何超忽。江南花草亦可憐。因君更問閩南天。

閩南山水真奇絕。夢魂欲度群峯邊。武夷大姥薄青冥。丹崖翠磴相鉤連。憶昔三山龍虎宅。君家兄弟金閨客。只今萬事如轉蓬。飄泊江南還落魄。游覽時題謝客詩。登臨每躡嵇公屐。相逢岐路問君名。相看但長嘯。把手聽春鶯。南園草綠耀飛。北斗闌干空復情。秋風吹人白日暮。馬首南登萬里路。遨遊四海知者希。拔劍拂衣且歸去。

贈徐武靜

南州豪士海內奇。千金一諾山可移。能驅六郡良

家子不數五陵游。俠兒生逢天地風塵色。飛鵬暫
戢垂天翼。入市曾聞乞者簫。交衢欲進王孫食。龍
蛇變化會有期。丈夫立身人豈識。竭來常向黃公
壚。坐客高陽半酒徒。世上悠悠那堪道。誰云痛飲
非良圖。君家群少忌儔伍。大兒文舉小德祖。烏衣
不佩紫羅囊。青眼常揮白玉塵。五茸城頭春色深。
狂歌遙對九山岑。相期慷慨十年志。獨取殷勤一
片心。西日東流去不返。與君結交恨已晚。梅花未
落春酒香。馬啼不惜離家遠。

廬山吟示致公

前年別我去廬山。蒼茫隔烟樹。今年逢君來廬山。
烟樹空徘徊。思得羽翼凌九垓。矯掌西望何崔嵬。
君爲廬山圖。我爲廬山吟。崇巖疊障起毫素。洞天
福地羅胸心。其中空翠深沉沉。白雲彷彿生衣襟。
青牛谷口楓樹林。白鶴觀前松花陰。香爐瀑布最
奇絕。下有康泉清且冽。山深歲久知者稀。一洗鴻
濛得碑碣。廬山康王泉陸羽品爲第三歲久湮沒致公洗石得碑乃劉禹錫所題也我
欲因君度石梁。上思吳猛不可忘。下從老人乞瓊

木洲詩集 卷五 三
漿玉房金闕心茫茫。眼中滄海三栽桑。蓬萊水淺
星飛揚。對君吟心莫逆。借問廬山幾千尺。山頭月
白山腰碧。手扶盧敖杖。脚踏謝公屐。期君重上漢
王峰。爲予拂拭廬山石。

卜臣曰青蓮夢遊天姥多神仙縹緲之詞禹書筆致俊逸自然相肖

靈巖懷古

吳王在時名館娃。翠屏玉洞人如花。吳王一去風
流歇。春草茫茫向人發。山色平連震澤雲。湖光斜
映靈巖月。崑前西面洞庭山。湖水東流去不還。霸

業興亾千載恨。獨留遺跡在人間。

寄懷王子

別君兮三年。望君兮九天。行重行兮春水。怨復怨
兮秋烟。秋烟隔兮不見君。狂歌憶君君不聞。朔鴻
欲度匡山月。江樹遙連庾嶺雲。庾嶺匡山無限路。
君向此中自來去。去年寄我惠休詩。千里平生桂
水期。赤松黃石無消息。空向商山餐紫芝。

子更曰摩詰集中亦不多見

醉歌送周生游吳閶

飲君蘭陵之美酒。贈君郢中之高歌。爲君一奏二十五絃素女瑟。送君北去七十二峯山之阿。君但慷慨學長嘯。莫與歲月爭蹉跎。丈夫拔劍志四海。胸懷萬里走江河。巨區風高鳴白鼉。水面月出山嵯峨。錦帆香水春始波。子真市門亦憔悴。伯鸞臯廡空婆娑。知君白眼人所棄。與君共醉朱顏酡。須臾離別憂干戈。人生樂少哀情多。送君南浦傷如何。

早春鶴洲觀梅與朱子容花下酌

白○日○欲○沒○春○風○生○南○湖○水○綠○芳○洲○平○坐○來○瓊○樹○花○
可○折○疑○汎○山○陰○夜○深○雪○今○年○花○開○覺○春○早○明○朝○花○
落○春○還○老○花○落○花○開○自○有○期○春○暉○莫○使○負○金○卮○裴○
公○放○鶴○歸○何○處○野○客○相○看○對○咏○詩○

吳仲珪墓下作

至元年間胡塵飛。諸陵毀塌魂無依。玉匣珠襦啓幽寢。古人白骨將安歸。橡林處士有遺墓。自署沙門植梅樹。虛塚不羨祁連山。殘碑尚立青松路。蹂躪曾無樵牧歌。斧斤自遠匠石顧。閱歷滄桑三百

年慕君高節愛迓禪。已能繪事冠當代。還將易數推先天。君臣大義委草莽。子孫中落無墓田。但知昔日一開士。誰識下里有名賢。胥塘東繞菖蒲浦。丙舍荒涼屬誰主。黍李春飛寒食烟。梧桐秋落重陽雨。君不見六陵鬼哭蔓草平。此地猶存一坏土。爲侯生題白石翁山水卷歌。

畫山山有骨。畫水水有聲。石翁繪事冠當代。走筆能使風雲生。毫端變化莫與比。尺幅山川千萬里。初日朝看海氣黃。寒烟暮見山嵐紫。群峯倏忽變。

陰晴雨冥冥。兮雷旬旬觀者那識神。靈意蒼茫一顧心。魂驚丹樓翠嶽乍明滅。懸崖絕磴相崢嶸。咫尺又見滄洲平。江波不動鷗鳥輕。天空地曠淨如洗。萬象寥廓歸蓬瀛。蓬壺之西多林麓。扶桑遙拂蒼梧寄。修篁幽篠陰雨深。虛堂彷彿瀟湘哭。中州豪士携此圖。重之不减雙明珠。功成他日拂衣去。袖取江山泛五湖。

穉賓曰。宵冥。颯。杳。筆。參。造化。此。柱。工。部。佳。境。也。然。不。假。氣。象。要。以。神。合。

陳昌 三見

贈錫山高敦甫忠憲公孫也

江南二月春尚遲。梅花未綻柳垂絲。多君放棹來
草閣。贈我春酒甘如飴。傾樽相對開懷抱。家學淵
源恣搜討。患難經今三十年。共看愁緒同新造。慚
余偃蹇卧蓬蒿。仰天咄咄徒蕭騷。與君論交已三
世紀。群之間求其曹。憶昔高公陳講席。魏里賢豪
皆著籍。淪落殊難問。舊遊執經已半從。黃石昨宵
雨。雪寒冰泮無計留。君送君去帆掛穹窿。山外雲
舟移。檣李城邊樹。若遇故人意。氣生鴛水汪汪。應

暫住。

時賈湛渠令秀水敦甫將往謁之也

于更日澹秀似嘉州送費子歸武昌作

計敬三見

秋風

金樓百尺臨玉墀。珠簾綉幙秋風吹。珊瑚鉤響鐵
馬嘶。博山烟裊香差池。美人獨坐拭雙眉。逡巡起
立生嗟其。捲簾褰幙睇所思。秋江漠漠秋雲飛。美
人美人心傷悲。

掌公曰有韻致

遊仙

策龍驅鳳崑崙巔。手摩日月凌蒼烟。昂身拔劍插
 九天。櫬槍掃落明星懸。黃河滔滔澈見底。飛渡蓬
 壺酌瓊醴。三年不見海波起。歸向彤庭奏天子。

戈元穎 三見

贈徐白峰

鯨魚吹浪驪龍吼。滄溟倒注搖牛斗。一掃人間十
 丈塵。天巧如君復何有。孫公座上曾相識。愛君為
 人不容口。齋心長却五侯鯖。寄傲寧辭千日酒。

丘北苑安足多。義獻家傳亦做帚。揮毫真氣干青
 蜺。作者沉吟領其首。四壁蕭蕭似我貧。春菘秋薤
 常盈。范張雞黍遊未同。米薛圖書與非偶。胸懷
 冰雪不輕許。論心惟尚鍾期友。滿城屏障爭輝光。
 君每前辭亟握手。能事不受相促迫。杜陵微旨人
 知否。潔園坐卧寄逃禪。寶泓黃聿拭清妍。我亦如
 君自鄭重。新詩不復向人傳。

懷南山白漢

去年駐錫相遊逐。高談四座光肅肅。樓外雪花大

于掌常呼李。子供棋局敲。冰爲我寫便面。墨花凌
亂寒山綠。江邊積凍漸流漸。歲暮歸山興迫促。玄
冬分手春復深。時時清夢南山麓。草堂四面來春
颺。抱雲就枕峰頭宿。新花細草雜簷櫺。日出泉鳴
睡初熟。興到看山人圖畫。帶雨留題在新竹。自應
念我同盟人。混跡紅塵市廛俗。突兀千山坐卧間。
風落松花香滿屋。

曹鑑平 三見

釋賓曰掌公七言古詞必流麗
意必纏綿逸致新聲給釋奔會

禹書曰掌公七言古
極意規摹自見風格

上元踏歌詞

闐闐沉沉瀟香霧。香車寶馬春宵度。千門鐙炬接
星橋。萬戶烟花迎火樹。火樹星橋照地來。長安邸
第澈明開。花隨環珮臨歌榭。月上瓊瑜映舞臺。舞
臺歌榭紛羅綺。珠簾炤耀明如水。玉笛聲寒徹九
街。銀箏調急流三市。美人遊冶競繁華。炫服新粧
出內家。相期三五年如夜。相逢二八貌如花。層城
阿閣天中起。九重宮闕春雲裏。複道笙歌落玉繩。

夾○衛○鐘○鼓○傳○蘭○祀○金○吾○初○罷○上○元○更○銀○箭○銅○壺○漏
水○鳴○剪○鳳○穿○雲○誇○戚○里○盤○龍○銜○燭○入○華○清○桂○火○蘭
膏○月○當○午○九○微○光○動○蓮○花○吐○檀○板○輕○催○協○律○歌○錦
袍○初○賜○平○陽○舞○天○衢○洞○達○九○門○通○連○臂○齊○歌○蹋○踞
同○四○照○花○開○珠○箔○捲○合○歡○燈○焰○碧○紗○籠○燈○輝○漸○滅
河○漸○沒○西○山○半○墮○青○樓○月○共○道○風○光○度○五○宵○寧○知
曉○氣○來○雙○闕○風○光○曉○氣○暗○相○催○永○巷○長○門○夢○未○回
君○看○古○來○踏○歌○地○朱○邸○春○深○長○碧○苔

越石日昇之長安古意一篇遂足壓倒王駱此詩直與頡頏

長干行

妾○家○舊○住○古○長○干○蕩○子○風○濤○十○八○灘○一○逐○江○潮○去
不○返○年○年○江○上○孤○帆○遠○正○是○離○人○腸○斷○時○湓○城○月
出○潯○陽○晚

俠客行

男○兒○骯○髒○負○奇○策○長○揖○侯○門○稱○上○客○從○來○然○諾○重
千○金○是○處○報○仇○輕○七○尺○相○逢○意○氣○人○爭○羨○懷○中○拂
拭○魚○腸○劍○彎○弓○挾○彈○西○山○頭○金○鞍○玉○鏡○如○飛○電○君
不○見○督○亢○圖○窮○露○七○首○咸○陽○殿○上○秦○王○走○荆○卿○一

去漸離亾白虹直上搖星斗

贈蘇崑生

蘇生善歌向客
左寧南幕下

汝寧蘇生遊俠客清謳宛轉無與匹醉歸長揖向
轅門四座見之皆辟易風塵瀕洞運潛移甲帳兵
殘聲更悲夜月消沉朱雁曲春風憔悴白蘋詞從
此飄零十餘載東歷淮徐西至海錦席朱纓無復
存青衫白恰將誰待舞榭歌臺已盡傾篋笈彈作
舊時聲信陵城上饑鳥集黃歇堂前蔓艸生君不
見紛紛反覆多傾仄如此飄零君亦得

寄衣曲

長安月出光如練金壺斷續催銀箭寒衣寬窄苦
難憑重起挑燈理針線裁成尺幅當寄誰朱樓玉
塞日相思殷勤傳語向邊使附君遠送交河去若
遇征鴻數寄書明年好問移軍處

輝六日情語朴摯
文昌所不能道

聽鶯歌

長安大道春風起流鶯飛入垂楊裏千重步障錦
成霞十二丹樓花似綺睨睨風前不忍聽雁柱朱

絲少女情須臾百轉聲猶咽。羗人玉管愁明月帶。
 雨穿花春未闕。落紅萬樹曉雲寒。遠西歸夢驚羅
 幄。南浦鄉心滯玉鞍。已是三春悲遠別。那堪枝上
 偏悽切。誰家廣陌冶行遊。百鳥聲中策紫騮。日暮
 五陵烟樹杳。婉轉餘音猶裊裊。無端忽聽子規啼。
 鰥花落盡春闈曉。

子更曰穠麗婉秀
勝於左司本詞

三山歌

江上三山青黛色。勢欲爭先渡江北。一峯孤峻峙

洪波。飛帆兩指雲中翼。迴看斷續秣陵西。浪花吹
 暗嶺。雲低中有錦城藏。大道綠柳春風駿馬啼。

上衡席上聽妓度曲

青樓美人善歌曲。不數盈盈劉碧玉。一曲新歌聲
 繞雲。楊柳生春春水綠。坐中知音推周郎。高山流
 水心蒼茫。乍似郢中揚白雪。還疑天上奏霓裳。霓
 裳白雪音無誤。曲終不用周郎顧。但使紅牙按鳳
 凰。莫教檀板驚鴛鴦。周郎年少正風流。相逢且作
 五陵遊。雕鞍珠勒三千騎。艷舞嬌歌十二樓。美人

自昔領南國。可憐憔悴誰相憶。急管淒涼曲未闌。
周郎一顧生顏色。

陳暉吉 三見

七夕詞

今夕何夕月何早。洛陽女兒爭乞巧。但使穿針理
故衣。莫將團扇捐秋草。鵲橋宛轉銀河流。織女黃
姑相對愁。廣寒無限姮娥恨。羨殺人間紅粉樓。

卜臣曰擬崔黃

崔殊得其神

錢士賁

三見

子更曰巖燭七

言古清美閒勝

帝京篇

帝京雙闕高刺天。帝京車馬何闐闐。烈士磊落不
稱意。敝衣蹶躡公卿前。秋霜霑衣那可度。解衣贖
酒朝復暮。南牙宰相悉帝姻。北門學士非儒素。隣
峴甲第五雲深。桐花委地成秋陰。寶瑟銀箏賤如
土。撫絃按拍誇知音。綉閣瓊樓尅景促。飄絮飛花
情不屬。賀老初傳水調歌。莫愁善和清商曲。長安
大道揮金鞭。呼吸直通帝座前。阿兄已拜騎都尉。

小弟新開蜀道錢。炎炎作景無終極。一朝失勢悲何惻。珠簾依舊畫堂前。燕子啣泥飛不入。去覓高陽舊酒徒。漸離擊筑荆卿歌。雒陽清聲誰最重。茂陵長病著書多。人生百年如翻掌。樂極哀來不堪想。貴勢終歸紫陌塵。才名未必珊瑚網。無須局促天地中。長嘯委巷何從容。山齋向結終南麓。負郭仍求鄆北封。伏臘烹羔更牧豕。坐擁琴書對妻子。西市樵漁東寺鐘。太阿掛壁光秋水。客有從遠方來者。喜爲此贈。

君去蒲柳青。君還菰葉爛。絃歌清唱光銀漢。把酒臨風正堪玩。江南江北不相聞。暫將指上奏風薰。青山處處行應好。白露蒼蒼留贈君。

心微曰。令人意遠。

周振藻

見

子存曰。蕭陶七言古。清新婉麗。顧盼多姿。

擣衣篇

交河城邊木葉飛。紅粉樓前露未晞。此時美人意。悽惻言念成。客寒無衣。戍客無衣向誰訴。良宵及

時。擣。紈。素。已。看。哀。杵。咽。涼。風。更。見。繁。砧。激。清。露。涼。
風。清。露。夜。如。何。家。家。刀。尺。對。金。波。漏。長。不。斷。寒。蛩。
語。路。迴。偏。驚。旅。雁。過。寒。蛩。旅。雁。隨。時。變。惟。有。擣。紈。
淚。如。霰。素。手。織。織。量。綺。衣。愁。心。脉。脉。催。銀。箭。迢。迢。
五。夜。客。衣。成。誰。識。絨。筥。萬。里。情。可。知。塞。北。征。人。夢。
已。度。閨。中。擣。素。聲。

交讓曰物色是六
朝聲調是四傑

荆卿歌

君不見荆卿悲歌滿燕市。漸離擊筑聲未已。知已

獨有田先生。窮交惟聞燕太子。拂衣一去不復還。
慷慨英雄固爾爾。悲風四起易水寒。白虹半掛長。
城紫。百。金。七。首。中。銅。柱。倚。笑。咄。嗟。事。已。矣。可。憐。宋。
子。堂。上。客。擊。筑。秦。庭。爲。君。死。

董偃歌

延清館裏春不死。綠幘小兒鬪羅綺。冷冷香風透。
石床。夜。涼。帳。捲。琉。璃。紫。火。齊。屏。外。散。蘭。膏。銀。缸。焰。
上。月。欲。高。綠。鄣。沉。醉。不。知。曙。笙。歌。徹。旦。金。雞。號。鮫。
文。百。萬。半。封。埃。玉。砌。瓊。盤。幾。度。摧。飛。車。平。樂。春。郊。

晚走馬東交暮。讌開嗟哉繁華寶主宅。千金一擲
渾不惜。館陶已死漢殿灰。百代空傳賣珠客。

輝六日巳入
長吉之室

李孫煌 二見

老兵歌

并州老兵來江濱。昔年云隸黃將軍。將軍華夏著
名字。高帥嫉能謀誘致。軍中耳語機事泄。將軍裂
背髯如鐵。丈八蛇矛盤陣中。一片寒光繞腥血。是
時老兵氣亦張。奮臂格鬪前莫當。今日失身在南

土。行中莫讓居前部。人生寄托會有所。強則虎兮
弱則鼠。

卜臣曰叙致簡
勁字挾風雲

錢 煖 二見

飛龍引

黃帝訪道崆峒山。仙風拂拂同追攀。乃下鑄鼎荆
門巔。鼎成騎龍登天關。侍臣宮女滿帝側。服食火
棗皆童顏。童顏妖好長飛騫。直上璇宇遊無垠。劉
徹好道亦徒爾。仙人之掌凌秋旻。三山望之不可

見金輿海上空。逡巡

子更曰飄揚欲仙

魏允札 三見

掌公曰州來七言古俊邁似嘉州陡健似常侍

北山草堂古松歌

北山對草堂古松生其間。屈曲潛虬姿扶疎蒼龍顏。老榦百尺參天起。濤聲直上烟雲裏。是日觀者皆稱奇。盡道深山亦無此。北山主人前致辭。此松由來三百祀。癸酉年間風雨疾。九松之中折其一。

荏苒迄今二十載。山上惟餘八松在。我聞此言發長嘆。桑田碧海幾更換。先朝玉樹已摧殘。八松年年挺霄漢。願公百世善守之。鬱鬱葱葱常不移。卽看凜冽北風惡。殷勤好護向南枝。

赤茂曰叙述蒼老轉折流便洵稱名作

秋風

秋風飄飄斜拂衣。碧天四顧雲氣微。江頭蕭蕭波浪湧。空山搖落木葉稀。蒹葭能蒼露能白。可憐王孫此日歸。繁華寂寞秋風裏。故國樓臺俱已非。

漁父歌

秋○葭○江○上○聲○瑟瑟○月○明○小○艇○蘆○間○出○中○有○垂○釣○滄
浪○叟○刺○船○恒○逐○江○聲○走○夜○深○天○入○滄○浪○清○仰○天○長
嘯○涼○颺○生○投○綸○翹○足○坐○江○汜○忽○得○江○心○一○雙○鯉○平
明○擔○鯉○入○市○去○賣○向○旗○亭○貰○酒○處○玉○缸○美○酒○瓊○蘇
匹○携○來○酣○飲○澄○江○側○引○滿○獨○對○萬○里○流○醉○歌○一○曲
千○山○秋○歲○歲○還○持○一○竿○竹○年○年○常○傍○江○頭○宿○江○頭
樂○事○無○時○無○汲○汲○名○利○何○爲○乎○于○今○舉○足○多○畏○途
我○亦○扁○舟○思○五○湖○

陳哲庸

三見

秋風

高○秋○八○月○涼○風○起○西○來○颯○颯○璇○閨○裏○盛○年○思○婦○坐
長○嘆○悵○然○臨○風○憶○萬○里○機○上○流○黃○晚○罷○織○清○砧○薄
暮○聲○聲○急○此○夜○風○吹○度○玉○關○應○知○用○盡○閨○中○力○

錢

嫌

三見

寄衣曲

玄○霜○慘○慄○秋○風○飛○織○手○裁○成○寄○遠○衣○與○君○一○別○曠
三○載○未○卜○腰○圍○宜○不○宜○鴛○鴦○錦○織○迴○紋○字○一○絲○一

縷千行淚。但得征人。今夜歸不願。明年衣再寄。

禹書曰極擬文
昌更得新意

上巳風雨

黃鸝濕翅低不飛。梅花落盡杏花肥。高陽市中酒
正美。山陰道上人安歸。可憐良辰莫空擲。屈首蓬
蒿竟何益。三月江南春草長。風雨蕭蕭獨愁客。

掌公曰
清勁

諫詰倫 二見

有懷卜臣

前年上書不見收。鳴鞭躍馬走中州。詞賦凌雲傾
鄴下。醉歌白雪梁園秋。今年失意滯京華。僕僕風
塵未抵家。南來黃耳無消息。思君悵望空天涯。天
涯一望念離群。越水燕山兩處分。明月高懸光滿
地。此時悠然夢君至。

赤茂曰情
致深遠

孫復燁 三見

寶劍篇

山川精氣鬱昆吾。昆吾寶劍曠世無。沐日浴月湛

秋水。渾脫。瀏離。剪天吳。淬以大金錦。江水挾以髡髮。崑崙奴。神奇變化不可測。白虹赤電氣相扶。鈞爛有采吼有聲。中夜冷冷星漢傾。琉璃玉匣文犀靶。白皚秋橫霜月明。古來神物非易有。紫氣鱗响掛牛斗。雷公鼓橐飛炎烟。龍女捧爐護七首。星文上應列闕光。廉劔載拭黃金縷。華陰赤土礪新苒。山魃鬼母群下走。噫嗟五陵游俠客。目光如星鬢蝟磔。歷階能返汶陽田。頸血亦澣秦庭壁。錯鏤金環鵬鷁新。匣吐蓮花紛鳥奕。酒酣燕市舞當筵。光

曹鑑章 三見

穉賓曰達夫七言古筆力輕矯不落大曆以後

老將行

少年任俠常輕敵。燕領自負封侯骨。仗劍早辭丹鳳城。鳴鞭晚度黃沙磧。一從身赴漁陽戍。曾破鮮卑十萬騎。陣雲深入蹄林中。殺氣遙連蒲海路。那

知百戰功難立。皓首轅門老顏色。令下潛歸龍虎
 營。數竒不作麒麟客。只今流落向幽并。虛巷窮秋
 絡緯聲。平生馬革心猶在。匣裏龍泉不復鳴。聞道
 沙場事。鼙鼓夜看太白長。起舞路人誰識故將軍。
 獨向南山射猛虎。

江上吟

澄江如練橫素波。桂楫蘭橈發棹歌。乘流載妓擊
 汰去。紅粧玉面彈雲和。雲和之瑟聲繚繞。輕舟泛
 泛逐飛鳥。彌衡高風垂千載。銅堂新宮今安在。從
 濱投竿直釣珊瑚樹。

卜臣曰青
蓮逸響

春洲曲

微波激灩澄空碧。紫陌輕風漾春色。誰家女兒出
 綰沙。芳洲驚起雙飛翼。雙飛雙宿兩鴛鴦。戲啄桃
 花錦浪香。忽傷宕子無消息。見此踟躕淚沾臆。

陳謀道 二見

曹師次典齋牡丹歌

洛陽春到江南早。江南花似洛陽好。年年花發傍
雕闌。步障流蘇垂百寶。昨夜東風捲碧雲。真真花
霧晝。氤氳流霞飛入金樽裏。把酒看花日未曛。人
生歡會豈易得。過眼繁華成太息。倒却玉缸醉幾
迴。名花爲我生顏色。

交讓曰風調
極似初唐

陳 兼 三見

閨怨

妾家居住近新豐。高樓日落捲簾中。十四當壚善

鼓瑟。十五窈窕生春風。十六嫁爲蕩子嬾。夫偕常
從徵。逐去游絲芳草爛。生光翠蓋金羈不知處。三
載迢迢音信稀。秋高極目雁南歸。水晶簾外霜初
皎。白玉堂前露欲晞。露晞霜皎空延佇。織就迴紋
默無語。何事王孫好冶遊。可憐紅顏弄砧杵。深夜
起坐哀怨多。仰看牛女隔天河。秦箏彈出相思曲。
歲月蹉跎奈若何。

寄獻少司徒王玉銘先生

先生當今之名世。出入承明掌會計。曳履秋雲薊

北開鳴珂夜。月燕山霽。列宿光芒燭九重。承恩遂
拜少司農。神州貢賦經綸裏。薄海軍儲指顧中。憶
昔京華登絳帳。通家孔李頻相訪。氣誼曾膺國士
知。殷勤更切雲霄望。翹首龍旂北極浮。從知梅鼎
副旁求。異日漢廷尊計相。勲名誰繼富民侯。
古皇日典
碩名貴

周平世

後學魏儒烈全校

蔣昌壽

柳洲詩集卷之六

毛蕃 蔣瑒

陳增新 李炳 全選

李煒 魏允枚

魏允柟 曹鑑平

五言律一

沈湛 三見

掌公蔚宗達夫載蕃招集南溪同駿如赤茂

燭崑

城南讀書地。細帙滿簾櫳。庭果含新紫。山榴照晚
紅。論交宜夜雨。聽曲倚春風。作賦梁園裏。銜杯意
不窮。

過秋艷閣

艷閣迥浮槎。沿河傍水涯。春風偏入柳。晴色似催
花。檻外千家近。窓中一水斜。擬裁王粲賦。到眼暮
天霞。

褚偉二見

初冬借掌公蔚宗園亭夜話

迢迢良夜永。渺渺論入玄。虛何處孤村月。相逢秋水
居。消愁元亮酒。感遇薛公魚。世事看流水。休辭下
澤車。

過陳留蔡中郎故里

炎季多名士。君真命世才。文章登玉殿。條奏入蘭
臺。亭竹依秋蔓。焦桐竄野菜。斷碑何處是。孤雁啄
莓苔。

交讓日

清勁

沈煌三見

穉賓日火文五言律瑋麗似初唐

都中懷顧虞雯翊南

物論推雙壁。名流重二難。珠槃新祭酒。象弭舊登壇。
虞雯餞余於雪夜 春風易水鞍。
翊南南還遇於御河 依依良友意。時倚鳳樓看。

金陵懷古

鐘阜臨阿閣。秦淮翼建章。琉璃分薛碧。玳瑁映霞黃。
輦道餘荒草。宮蒿牧野羊。蕭蕭日色暮。帝子白雲鄉。

王 睿

字聖若

送羅篁菴少詹致政歸里

何事承明客。飄然謝帝京。賜金明主意。祖帳故人情。
匡嶺聞琴曲。瀛臺憶履聲。幾時傳尺素。千里問王生。

卜臣曰結意似直而實韻

朱 輅

字子殷

烏夜啼

不復依雕輦。歸飛乳九雛。深林蘇合彈。小院博山

柳沙詩集 卷六 五言律 三
鑪玉漏聲相和。瑤琴響未孤。來棲秦氏樹。終夜伴
羅敷。

夜泊葑門

薄暮寒飈急。維舟古渡間。荒原餘白日。積雪滿青山。
飄泊生愁思。風塵減壯顏。明朝經茂苑。楊柳定堪攀。

掌公曰蒼

深有氣

顏

黃

三見

子存日子坤五
言律清疎自喜

種竹

荒園纔半畝。種竹已成林。以我清疎質。憐君虛白
心。垂綸堪寄賞。清嘯自披襟。風雨蕭蕭夜。千竿積
翠深。

夜泛

蕭瑟前溪暮。蒼茫極望通。波濤千里月。蘆荻一江
風。鼓柁悲歌切。携樽逸興同。夜深猶未返。天外起
冥鴻。

同友人遊西泠歸途却寄

柳洲詩集 卷六
愁向西冷望。湖光十里明。六橋秋色斷。三竺暮雲平。清磬當林出。飛泉隔澗鳴。與君同蠟屐。分手重含情。

大堤曲

襄陽大堤畔。春日綠楊垂。池醉山公酒。苔侵叔子碑。玉牕晴色迥。繡戶晚風遲。薄暮青絲騎。揚鞭過水湄。

魏學渠

四見

亭彦曰子存五言律高華秀逸在右丞常侍之間

赤茂曰五言律吾黨素以高渾推子更子存更以清麗淡蕩勝之可稱雙絕

松陵道中

清川欣再涉。客路獨啣杯。一鳥橫沙渡。千帆擁樹來。微風拂岸艸。細雨溼江梅。愁見蕪田沒。滄波未擬回。

禪賓曰高秀是嘉州神境

過商氏園亭同彭燕又賦

山色青無際。羈懷逐望開。烟霞連石室。風雨上高臺。路遶蘭叢入。雲穿竹徑來。酣歌忘主客。六博且

行杯。

輓潘方伯呈長公惺之

坐嘆周原改。斯人履獨清。節巾友龔勝。土室老袁
閔。龍卧西山麓。鴻冥東海城。傳經有令子。不愧魯
諸生。

子更曰意
旨深永

葉聖野見貽紅藥堂詩賦贈

吳市君能隱。高吟念獨醒。秋風採紅藥。夜雨對青
萍。慷慨蕪城賦。菁英石闕銘。美人怨搖落。灑氣入

滄溟。

其二

厨顧幾人在。相逢倍黯然。西臺哭自慟。東海蹈誰
憐。靡騁悲天馬。啣哀托杜鵑。集中有杜鵑記異詩芙蓉照秋
水。還上釣魚船。

送郁光伯備兵漳南

新出含香署。高軒不可攀。旌旗弭越水。橘柚接閩
關。天遠邊鴻度。風清戍騎閒。思君如九曲。長繞武
夷山。

訪顧五玉園居不值

猶識梅花路長廊春色披美人遲不見芳艸慰相思雨暗迷金谷風生滿習池明朝期再訪拂石勒新詩

掌公日婉

雅恬適

酬方與三

世業論交舊班荆此日新客愁依北極佳句比南金宮樹春將近燕臺雪未淡倡酬吾輩事鄭重愧知音

送岳修上人遊白門

爾行逢歲暮惆悵為離群僧臘鍾山雪禪心江外雲征帆依樹遠疎磬帶潮聞明日松陵道吟詩向夜分

送盛伯含歸金陵

之子秦淮側寸心諒不忘殷勤對行李欵曲賦河梁朔燁新年合寒雲去日長相將桃葉渡歲晏綺羅香

其二

鄭○重○離○歌○夕○風○聲○雜○暮○鐘○月○明○揚○子○樹○雪○擁○孝○陵○
松○蘭○漿○隨○征○雁○柴○門○媿○卧○龍○莫○辭○江○路○遠○春○日○好○
相○從○

古○隍○日○極
似○右○丞

送九圍姪逞端州訪沈使君

汝○為○依○劉○去○江○楓○逐○棹○來○楚○山○宋○玉○宅○秋○水○趙○佗○
臺○白○雁○炎○方○盡○黃○花○故○國○開○沈○郎○應○念○舊○八○詠○自○
能○裁○

答子更病起見示作

與○爾○同○為○客○三○年○復○此○遊○鄉○心○黃○葉○暮○卧○病○碧○雲○
秋○霜○淡○蕃○菴○樹○月○高○文○選○樓○莫○言○消○渴○慣○佳○麗○古○
揚○州○

予○將○北○發○孫○無○言○招○飲○寓○齋○得○觀○王○于○一○詩○
憐○君○能○久○客○詩○卷○滿○繩○床○此○日○淮○南○雪○驚○心○薊○北○
霜○孫○登○懷○舊○隱○王○粲○尚○他○鄉○濁○酒○懷○無○限○何○須○典○
鷓○鴒○

同吳興公錢山銘張詞臣諸同人小集河房
十○月○淮○南○路○飛○鴻○帶○雪○來○朱○樓○臨○埤○現○白○石○亂○莓○

苔友誼今時重。羈懷落日開。燈前吳楚客。授簡盡
雄才。

題許力臣師六宿影亭

伊人愛幽寂。小築繞烟霞。壘石留紅葉。藏書隔絳
紗。深秋三徑雨。寒月一庭花。更約春風裏。來停柳
下車。

新家口值顧偉南。蔣文琢北歸。時文琢
夫偶

野戍孤舟夕。相逢二妙還。無人憐白雪。有夢到青
山。細雨迷淮甸。回風隔楚關。錦帆南向處。絃絕記

刀環

蔣玉立 四見

子更曰亭彦五言律神
氣高邁可以籠卑群雄

卜臣曰亭彦五言律風骨遒利
尤工發端領句既高全勢自振

掛劍臺

延陵空贈劍。解佩掛南枝。一去留餘恨。重過弔豈
知。暮山遙對酒。訝鳥暗催詩。余亦愁心者。離離芳
草思。

漂母祠

劉項興亡。城邊一飯恩。當年推國士。此地進王孫。
花艸迷江路。豚蹄祝廟門。相憐應有意。詎肯惜壺飧。

赤茂曰

矯健

重遊南池讀子美碑記

故里思尊夕。南池續舊遊。虹橋依曲沼。雉堞隱危樓。
白槿含朝露。紅蓮落早秋。古人遺跡在。拂石到荒丘。

十五夜泊梁溪

春暮辭鄉縣。中秋未到家。欲看吳苑月。空渡廣陵花。
山色隨帆轉。川光過鳥斜。名泉如可汲。歸路豈全賒。

登北高峯

一徑來峯頂。松濤萬壑歸。披荆尋虎穴。倚杖數鴻飛。
紫氣隨南極。青山掛落暉。聞天愁騁望。鳥道重歔歔。

越石曰披荆一

聯動人心目

旅中雜咏時在葵華

柳洲詩集 卷六
鄉國緘書杳蕭條旅思紛落花憐暮雨啼鳥暗春
雲山色窓中見溪流枕上聞未逢揚得意誰誦子
虛文

二

萬堞臨高阜山城曲曲斜鶯嬌千嶂樹水繞一溪
花作客年經亂長征計已賒武陵容我到雞犬暮
雲遮

春宵飲陳階六明府席上限韵

春宵欣勝聚高閣彩霞飛共下銅駝淚愁聞玉軫

揮花光浮酒色夜靜怯羅衣謝傳東山興林泉願
豈遲

送子般由燕之晉

送子臨燕趙垂條陌上青著書縣闕下得句滿郵
亭古岸衝殘雪春城帶落星桑蓬原有意不羨五
侯鯖

輝六日五
六是真境

散步湖上偕朱子蓉

携笈來蕭寺東溪一徑斜暮烟江上樹野水夕陽

家不廢孫登嘯。徒思博望槎。開尊愁絕處。漁笛起蒹葭。

二

烟光樹杪出。落日晚波收。不見裴公島。空憐少伯舟。魚龍來海上。鶴雀下沙洲。興盡歸山館。暝鍾生暮愁。

沈權之

四見

懷郁文韜

風雅推吾黨。文章冠五城。君真天下士。交是古人

情。芳艸江南遍。丹楓嶺外明。端居寥落甚。况復動

秋聲。

禹書曰

樸老

同群從夜集大觀樓

數載俱飄梗。今宵忽聚星。何人眉最白。惟我眼能青。書到憑鴻雁。詩成感鶴鴒。莫分南北阮。最是喜同醒。

陳增新

四見

釋賓日子更五言律向宗少陵已臻神境近擬初唐及太白諸體尤見敏妙腕隨心

運才與法俱吾黨推
為獨步良非虛譽也

古嗶日子更五言律上自四傑下訖王孟
無不兼綜仍見獨詣長城之目吾何間然

關山月

漢家秋夜月。流影到桑乾。獨戍愁心斷。深閨清夢
殘。天低野燒接。海濶阜離寒。好向長城落。因君寄
彩翰。

巫山高

巫山一騁望。迢遞見陽臺。月映瞿塘峽。江連滄瀨瀨
瀨。堆窈冥神女夢。髣髴帝妃哀。日夜清猿嘯。行人首

重回。

劉生

任俠有劉生。鹿盧腰下鳴。韞鷹三輔去。驅馬五陵
行。天子爭賓客。將軍識姓名。從知家世舊。少長自
東平。

漢彬曰豪宕
能稱其題

折楊柳

春色歸芳草。春風動柳條。臨岐人惜別。携手上河
橋。馬去章臺緩。鶯啼茂苑嬌。一聞吹玉笛。惆悵到

中宵

隴頭水

隴阪高難陟。隴雲千里馳。嶇嶇當積雪。幽咽對流
澌。秦塞東行急。羌江西下遲。東西各異派。相合竟
何時。

越石日本之雲
卿而渾脫過之

采蓮曲

淥水風初起。明粧倚画船。南湖蘋漸合。皓腕入紅
蓮。羅袖嬌無力。玉顏晚更妍。隔花頻笑語。餘艷炤

晴川

明妃怨

不分承恩寵。何勞省画圖。含嚔辭永巷。緘怨郎長
途。簫篋邊霜苦。琵琶漢月孤。燕支山下過。曲奏小
單于。

上衡曰擬古中此題最難
措意子更此作故自擅場

大堤

爭道大堤好。大堤如掌平。風烟楚岫迥。花月漢江
明。寶馬春相逐。香車晚自迎。習池賓從散。倒着接

離行

愛妾換馬

上駟空群日。佳人傾國時。如何輕棄置。一旦遠分
離。山下靡蕪綠。園中苜蓿移。合井良不望。珍重此
金羈。

太白酒樓

高閣何迢迢。曾經李翰林。豪詞誰與並。詩卷直留
今。俯瞰湖光射。遙探岳勢侵。重來此憑眺。懷古獨
沉吟。

交讓曰高壯似
氣蒸雲夢之作

蕃釐觀閣遠眺

欲訪蕃釐樹。來逢呂鍊師。荒臺瑤草盡。高塚玉鈎
移。歌吹留遺址。烟花異昔時。無從尋御路。憑眺不
勝悲。

經露筋祠

何年貞女廟。留此米家碑。斷岸經波浪。澄湖浴鷺
鷺。芳蘋人薦晚。畫舸客行遲。楚水仍東逝。滔滔無
盡時。

送何生之池陽赴錢長孺幕

池陽新佐郡。書記盡高才。暫托西園乘。遙探東閣梅。江楓迎去鷁。楚火照行杯。秋浦清霜曉。爭看何遜來。

送宛川徐次履走淮上謁龔芝麓先生

蕭寺同吟眺。欣逢徐羨之。早潮楊子渡。夜月謝公祠。彩鷁衝漁火。新詞補竹枝。次履有秦淮竹枝詞之刻動成千里別。握手益淒其。

田髯淵寓中送子殷之太原訪孫頡初

薊門纔作客。忽整晉陽輶。水宿三春久。山行千里遙。鶯聲嬌苑柳。草色暗河橋。此去逢孫楚。何須嘆寂寥。

送夏清貽之文水覲省其尊人

畫室初為客。趨庭三晉間。寒花迎淑序。疋馬度重關。雁落岢嵐塞。雲開句注山。琴堂春色滿。遙待舞衣班。

無塵上人還秣陵寄康小范

極目江皋雪。潮平放舶初。客心三楚外。僧臘六朝

餘念爾尚僑寓。憐余更索居。緘書托旅雁。離緒益紛如。

掌公曰情景切寔

閱邸抄喜救菴先生事白

獻歲聞師難。蒼皇呼魏生。寄書單騎遠。屬稿一燈明。營護慚無任。憂疑耿未平。忽傳青瑣客。僕被出都城。

柳開府携尊晚翠軒同關中李叔則暨程穆

倩子存分韻

晚翠軒弘敞。霜空海鶴鳴。河東佳氣在。川北暮雲

平。開府家在保寧登眺半開府。壺觴阮步兵。今君有微尚。

莫負竹林情。

賦得靈鳳振羽儀

丹穴多靈羽。人間來見稀。偶然阿閣至。千載薄天飛。竹實招難下。桐陰願亦違。清時倘復覲。應覽九重暉。

輝六日此係社題作者甚衆子更獨以蘊藉見長

雨後聞雁

宿雨潤秋林。遙邨急暮砧。倚樓當丙夜。隔坐引哀音。似訴孤征意。從知遠別心。關河遊倦客。那不愴寒禽。

吳園次內史出酒鎗屬讚

金門吳季重。簪筆侍承明。尺五蔽天席。無雙画省名。初筵霏玉屑。遙夜覆銀罍。紅藥翻堦曙。當君視艸成。

都門立夏同鬢淵

忽驚時序改。攏麥又看黃。魚薦更王鮪。蠶眠變女

桑離樽南浦外。歸夢故園旁。愁絕京塵客。音書隔兩鄉。

和魏雪鴻年伯庭前白蓮

蘋末風初起。憐君獨後時。素河垂影淡。明月映堦遲。願遂初衣樂。何當墜粉悲。采蓮慚古調。白社足吾師。

肅陶曰素河二語新警可誦

周宏藻 三見

交讓曰丙仲五言律清峭刻畫二作獨見渾雅

渡江

送眼彌空際。烟波任轉萍。鐘聲來古刹。漁火泊寒汀。潭落一天影。山分萬樹青。朝宗原不改。東去入滄溟。

塞下曲

草盡胡鷹疾。平沙獵騎過。紇于山上。蒲類海雲多。漢苑歸龍種。秦關息鳳戈。軍中方宴樂。處處起鏡歌。

計

善

四見

坐湛閣

涼影侵虛閣。倚闌長望時。漏深人卧盡。花密月來遲。玉笛清難聽。羅衣薄自持。錢塘秋正滿。孤興有誰知。

赤茂日景
色清遠

同沈仲方過蔣石林

海內識名士。里中逢結廬。因從劉峻屐。來讀鄭玄書。真氣應難得。清言自有餘。當年三徑客。所見定何如。

李鄂 四見

出塞

羽檄出甘泉。長纓縛左賢。賜袍趨鑄印。束劍跨連
錢。角散金城下。花飛玉鏡前。回頭瞻漢月。萬里照
窮邊。

入塞

漢室已休兵。單于遁柳城。雪消大羽箭。日照五花
纓。熊耳山前甲。燕然石上銘。到家春未暮。綠樹正
啼鶯。

李煒 四見

州來日結
語纏綿

稱賓曰赤茂五言律古直悲涼滔滔莽莽
能于四十字中自極淋漓之致由其氣勝
也

輝六日赤茂五言律奇
麗超逸讀之躍然神王

芳樹

芳樹竒姿遠。根從閭苑移。歲稔瓊艷發。旖旎玉條
垂。霜雪靡渝素。春風敢後時。容華君不御。歲晚欲
誰貽。

有所思

賤妾依吳地。夫君滯楚湘。荆蠻雲樹隔。彭蠡雁鴻長。別怨生瑤瑟。相思滿玉牀。當年阿母畔。空學繡鴛鴦。

紫騮馬

紫騮稱上駟。各種出三韓。碧玉翻蹄疾。桃花借色圓。塞門烽火急。瀚海雪霜寒。但使沙場靖。何辭買骨看。

劉生

劉生家六郡。游俠重西京。結客傾千里。高談肅五兵。上書思報國。杖劍寔專征。海內推雄武。人間舉大名。

卜臣曰神氣軒舉

贈默菴

問君何感槩。削跡竟曇摩。舊事觀空盡。餘情埋照多。長卿工慢世。楊惲善悲歌。突兀踈狂意。誰憐日月過。

哭徐掌文

笠澤徐公子。張弓欲殪。少年能許國。亂後竟無家。荒艸平原館。殘霜雪曲花。吳興埋恨地。萬古一長嗟。

交讓曰
悲渾

禽長鳴見懷

懶性從來僻。郊居興日多。凝情看桂樹。散髮奉芳荷。未許高軒過。還容野服歌。戈生本同調。良會莫蹉跎。

贈黃介石

多君然諾重。四海識高名。緩急看交誼。存亡見友情。關東推郭伯。市肆隱侯生。我亦棲棲者。新知意已傾。

達夫曰。儂
爽似昌穀

沈汝雄 二見

送家貞蕤省親還朝

獻歲椒花頌。旌旗望帝鄉。濟川金作楫。視草玉爲堂。綵袖迎宮柳。安輿接御香。江南春色好。飛彩入詞章。

馮運隆 字昌言

吳門夜泊次陳夏臣韻

萬里同為客前途正未央
放舟來水國挾策叩天
闈雲漢三更月星河一
夜霜相看意氣在不覺是
他鄉

周 瓚 二見

南陽道中

憑眺逢春暮晴光靄翠微
水浮孤嶂出鷗逐白雲
飛客路風前杳人烟望裏
稀危檣聊獨倚鄉淚欲

沾衣

計能 三見

西湖晚眺

何處歌聲起臨風見採蓮
萬山當落日一水接長
天野曠開圖畫樓虛動管
絃扁舟歸未得新月又
娟娟

穉賓日 淡永

毛 蕃 四見

子更日穉賓五言律取材極富諸體
咸備茲僅吉光片羽已足照耀一時

交讓曰穉賓博極群書尤精史學其宮中行樂詞三十餘首俱堪上擬青蓮茲集所載未足盡其閎麗也

漢宮中行樂詞

斑麟霞彩矚雲內奏笙竽酌醴迎王母更衣進子夫文螺來絕域玉棗設天厨試問潛英石佳人得近無

又

承明春色麗宮柳乍舒黃竒女藏鈎弋神君供栢梁雲璈彈子晉玄曲奏安香傾國初承寵傳封協

律郎

又

月滿昭陽殿春生百子池香風來曲水燭影耀堦墀落葉翻新調招商製樂詞只因金餅賜浴罷得潛窺

魏宮中行樂詞

鄴城風日好苗薈溢橫塘翠羽堆鴉髯明珠飾寶璫塵霄飛猛燭石葉燒名香十乘文車麗壺中淚數行

又

不。信。洛。川。上。凌。波。別。有。神。鈴。啣。紫。鳳。艷。釵。刻。玉。龍。
新。絳。闕。凌。霄。漢。高。臺。望。孟。津。役。徒。起。十。萬。詔。遣。致。
銅。人。

晉宮中行樂詞

永。巷。遺。風。杳。羊。車。任。意。來。胡。嬪。偏。恃。愛。左。女。本。多。
才。繫。臂。紗。三。尺。移。星。酒。一。杯。驚。傳。晝。漏。盡。殿。上。百。
官。迴。

宋宮中行樂詞

尚。方。呈。副。御。私。藏。掌。黃。門。執。管。吹。新。調。寨。帷。識。舊。
恩。乘。驢。來。小。市。射。鬼。入。名。園。莫。使。鷄。人。唱。屠。蘇。恰。
滿。尊。

渭揚日典
麗不繼

齊宮中行樂詞

紫。閣。雕。新。采。繁。華。一。院。明。潘。妃。主。內。市。趙。鬼。讀。西。
京。錦。幔。高。樓。麗。金。蓮。步。襪。生。勅。將。荆。子。短。錄。事。正。
橫。行。

又

楊柳環芳樂珠簾映綴奇寶釵成琥珀碧瓦製琉璃
鶉妃子乘雕輦官人躡綠絲飛仙裁錦帳繡綺四
圍垂

陳宮中行樂詞

綠檻綠新翠沉檀到處香名花含曲澗奇樹植芳
塘繡縠裁瑤帳文珠飾寶床麗華粧罷後眈眈溢
容光

又

三閣凌空起雕闌翡翠新女官名學士狎客本詞

臣旭日迎紅藥微風漾綠塵賦詩多艷曲妃子唱
臨春

北齊宮中行樂詞

天后傳嘉瑞黃花寵獨殊將軍獻玉璽使者市真
珠文翟催中貴輕繒齋賈胡提婆新賜姓戚里列
婆弧

隋宮中行樂詞

晴雪飛西苑輕舟帶月還鑿池分四海疊石象三
山翠幹稱迎輦新車號轉闕薔薇香刺密笑語出

花間

禹書曰三四
驚人之句

又

輕烟迷翠柳。枕簟水光寒。侍女名來夢。黃門捧合歡。宮中頒綠黛。院裡市冰盤。最是迷樓巧。工人特進官。

唐宮中行樂詞

馳使凌晨發。荔枝進海南。銀罌盛綠酒。鳳爪劈黃柑。寶雀飛高髻。金蟬卧玉簪。長生私語處。笑指月

橫參

又

鳳輦臨長道。崑花拂綵旂。汝陽催羯鼓。虢國進纏頭。鸚鵡能傳語。芙蓉亦解愁。沉香多勝事。少女擘筵筩。

越石曰蒸
耀高翔

呂 霄 四見

少年行

賜第連長樂。行人不敢過。登車聞珮玉。問里號鳴

柳洲詩集 卷六
珂夜月低歌舞。春風上綺羅。朝回花底入。曉色在銅荷。

子存曰結語映麗

王之圻 四見

禹書曰肇域五言律氣度高逸殊似蜀州

秋日湖上

秋荷花未落。蕩漾画舫輕。湖濶金牛隱。城孤宛馬鳴。浮雲兩岸斷。垂柳六橋平。漁唱烟波晚。愁心對月明。

胥江舟次

日暮江流急。孤帆帶雨收。人家春樹密。烟靄晚山幽。擊柝多鄉侶。行吟半楚謳。一尊胥驛酒。烽火淡人愁。

送亭彥北上

吾黨論心友。如君更幾人。驅馳縱異地。樽酒自情親。日落闕河暮。春深風雨新。經行有佳什。莫惜雁書頻。

交讓曰結

撰蒼老

徐之陵 二見

詠蘭

生向空崑畔。芳菲自古今。嘉名開玉殿。雅搯寄瑤琴。風度清芬散。簾低晚翠深。騷人思結佩。秋到楚江濤。

雨雪曲

大漠雪霏微。同雲凍不飛。玉城翻落月。珠樹帶斜暉。古戍烽烟斷。平原獵騎歸。最憐翠袖薄。猶是寄寒衣。

達夫日三四明秀

魏允楠 四見

子更曰五言律易入平衍交讓結構精嚴復能跌宕掌公曰交讓五言律才法兼到無瑕可攻

古意

蕩子戍龍城。倡樓月自明。綺疏虫網合。碧瓦昔邪生。萬里金微夢。三更玉杵聲。遙傳鏡吹入。含笑下機迎。

從軍行

埃火甘泉急。徵兵合虎符。枕戈霜下卧。負弩日中趨。漢北逢歸雁。城南聽曙烏。橫行萬里外。不羨執金吾。

古隍日
工秀

塞上曲

都尉方乘障。天驕未請和。帳懸孤月冷。烽雜曙星多。絕漠還榆塞。揚兵度柳河。軍中橫吹曲。新奏白狼歌。

送子殷遊燕

執手臨岐路。驪歌對落暉。梅花催驛騎。草色上征衣。古道如君少。知音寧獨稀。舊游京洛滿。行矣莫遄歸。

懷輝六碗城

春暮孤舟客。江城訪故人。往還應兩月。離別忽三旬。仲舉庭前艸。萊蕪甑底塵。病中常憶汝。西望一沾巾。

禹書日老
氣無敵

和余澹心林衡者南園雜感

我愛南園好。池亭面面幽。相逢湖海客。共擬竹林遊。玉樹含風冷。銀河接地流。此中有丘壑。何必問瀛洲。

其二

猶憶高陽會。風流盛昔時。子山曾作賦。謝混舊題詩。澹心癸未歲曾寓南園與桐城諸子相為酬唱不改芳菲色。空餘鳥雀悲。還將一樽酒。憑弔習家池。

輝六日一氣渾成章法絕妙

其三

落日傍高城。城頭画角聲。王孫芳草恨。客子故園情。樓閣花間出。烟霞鏡裏明。鄒枚同授簡。詞賦自縱橫。

其四

樹色郊原合。參差望不齊。簾前翻紫燕。橋畔聽黃鸝。聞海浮雲斷。秦淮夕照迷。知君回首處。鄉思轉淒淒。

宿華山寒法師禪房

偶爾看山色。携筇到上方。雀從珠樹出。龍向鉢花

藏○夜○壑○流○清○磬○春○雲○護○石○床○遠○公○棲○隱○處○日○夕○坐○
相○忘○

拜文文肅公墓

一○拜○先○賢○墓○還○生○故○國○悲○案○楸○依○舊○壠○土○木○廢○空○
祠○鴻○隙○歌○來○日○平○津○客○散○時○石○湖○秋○色○暝○陰○雨○夜○
迷○離○

赤茂曰鴻隙一語為其嗣君應符而作也意境悲涼不堪多讀

暨陽旅中作

作○客○方○春○暮○秋○深○猶○未○歸○他○鄉○驚○物○候○旅○食○念○庭○

闡○木○落○千○岳○迥○天○空○一○雁○飛○登○高○時○極○目○迢○遞○寸○
心○違○

李炳 四見

子更曰燭崑五言律有麤服亂頭之致古嗶曰燭崑五言律丰神瀟灑奕奕不羣

愛妾換馬

駿○骨○千○金○重○紅○顏○一○擲○輕○明○珠○樓○上○墜○玉○勒○帳○前○
行○為○愛○馳○驅○力○因○忘○兒○女○情○蕭○蕭○鳴○塞○北○聽○作○斷○
腸○聲○

又

本愛傾城色。將空冀北羣。風流難並得。佳麗惜中分。此日朱顏謝。他年汗血勲。珊瑚鞭欲試。淚滿石榴裙。

懷子弁

千里悲風切。黃雲暗雪山。故人羈北闕。鴻雁未南還。友誼時尋夢。君恩欲賜環。停杯河水曲。遲爾洗塵顏。

掌公日情至語不堪多讀

寄懷趙巖築民部前司理括蒼

聞道蒼生命。經營賴度支。三年嘉石廢。兩載國泉垂。清挹燕山月。風高括嶺詩。南來幾行雁。翹首慰相思。

江上詠

錢塘風色好。迢遞縱登臨。潮怒蛟龍起。峯高鳥雀深。青山隨客路。碧水照人心。莫為悲行役。詩懷自不禁。

又

崦嵫山欲暮。彌望色空濛。灘急聞奔汝。帆輕掛晚風。人烟兩岸黑。燈火一江紅。為擊中流楫。雄心去不窮。

江舟遇雨

乍別吳山路。來尋越水行。重雲封遠岫。碧水遶江城。岸草淒迷色。篷牕斷續聲。欲窮千里目。轉使客心驚。

挽子明

秋風吹落葉。慘淡哭離群。蕙折曾悲昔。蘭摧竟屬

君。人間瓊瑰夢。天上玉樓文。子敬琴猶在。音徽不忍聞。

劉生

任俠當年重。相逢識姓劉。青絲柳色映。白雪劍花浮。意氣凌中貴。談言動列侯。出門不復顧。為客報深讐。

穉賓日豪
宕不羈

上山採薜蘿

遲日條風暖。空山草色新。可憐去婦意。不見故園

柳洲詩集 卷六
春細綠開芳徑繁紅映水濱。藁砧空有望。採擷倍傷神。

郁 褒 二見

戊戌正月二日渡江次維揚擬訪羅景有因
遄行不果

片帆乘汎穩。擊楫動長歌。地擁三江險。潮通八月波。關河官稅急。郵舍客星多。欲訪高賢履。輕舟已速過。

古意

候雁遼天斷。銀蟾照影飛。有懷憑玉筯。無夢到金微。蒲柳驚時晚。關山阻信稀。愁看機上素。何處寄征衣。

亭彥日音

調婉摯

顧瑄美

四見

禹書曰輝六五言律高華秀逸自是初盛大家掌公曰輝六五言律雄麗絕人機杼亦異

關山月

獨夜空城月。徘徊河漢旁。欲過玄菟郡。先到鬱金

柳洲詩集 卷六
堂。弓。勁。翻。孤。影。砧。寒。帶。薄。霜。故。鄉。看。不。見。含。怨。對。參。商。

隴頭水

四。注。流。離。水。年。年。出。隴。頭。亂。飛。銀。積。雪。分。作。玉。關。秋。過。客。停。邊。馬。鄉。心。落。戍。樓。月。明。哀。雁。叫。淒。切。向。南。州。

愛妾換馬

不。惜。娥。眉。重。嬌。嘶。斷。妾。心。明。珠。曾。十。斛。駿。足。自。千。金。拭。淚。青。絲。影。含。情。玉。柱。音。揮。鞭。還。再。顧。錦。幄。舊。

恩淡

肅陶曰綿
邈悲壯

雨雪曲

雨。雪。飛。旌。旆。將。軍。出。隴。西。陣。雲。寒。不。落。獵。火。照。全。低。白。月。孤。鴻。度。陰。風。萬。馬。嘶。戍。樓。聊。一。望。魂。斷。漢。關。迷。

劉生

家。世。東。平。俠。縱。橫。駿。馬。高。酒。酣。三。輔。客。兒。視。五。陵。豪。楊。葉。鳴。金。鏃。梅。花。簇。戰。袍。新。豐。時。一。過。爭。看。步。

光刀。

銅雀妓

高臺雲影出。斜對鄴城闔。碧月流瓊戶。清箏抱美人。松杉隨道合。羅綺御溝塵。悵望西陵夜。宮中降玉輪。

穉賓日

靈秀

出塞曲

虎旅分符出。爭傳飛將名。灞橋攀柳別。雪嶺射鵬行。野燒環營幕。陰風捲旆旌。中朝原薄伐。先築受

降城。

入塞曲

鼓角歸榆塞。三軍獵騎收。關前踈勒酒。馬上見支頭。露布飛金闕。雲麾轉白溝。君恩憐百戰。中道勅封侯。

子存日詞

旨警快

村居

頻來江上雨。寂寞有村家。色動吳宮草。香飄庾嶺花。輕風棲遠岫。春水帶微霞。昨夜孤鴻唳。遙聞過

柳洲詩集 卷六
淺沙。

寒食

三徑逢寒食。淒淒芳草前。
殘花催暮雨。暗月照啼鵲。
馬度斜陽外。人歸落雁邊。
不須傳禁火。塵甑久無烟。

過蕪湖縣

水勢迴關口。江聲到市中。
藏蛟知穴險。夢日見亭空。
客有交南舶。城留晉代宮。
萬家盤氣象。巖邑古稱雄。

古隍日寫

景真切

浦口

白下多啼鳥。鄉心不忍聞。
千山懸別夢。片雨過離亭。
急浪橫沙白。飛帆帶霧青。
夕陽江浦上。孤客漫揚舲。

皖城雜詩

古郡臨江岨。門前萬里潮。
入吳通百粵。到楚制三苗。
雁度迷雲岫。龍吟過石橋。
旅人憑弔意。落日自蕭蕭。

其二

縱楊殘礫地。多半是平沙。六月新嘗穀。三春不見花。酒帘飄苜蓿。魚肆雜蒹葭。賴有江城暮。橫飛海上霞。

州來日似少陵秦州諸作

宿烏沙夾

洲入蒹葭內。盤旋似曲阿。落花逢古驛。吹角度銀河。野店孤舟雨。清樽子夜歌。漫思尋客夢。南望正嗟峨。

丹陽道中

芳草江南路。殘春獨聽鶯。峰迴帆影隔。沙斷馬塵生。綠樹含朝霽。孤烟帶晚晴。紅塵飛不盡。又到呂蒙城。

越石曰秀朗

送沈徒翎歸雲間

歲晏風霜疾。他鄉不可留。雲橫碧海岸。雀唳晚峯頭。失路看雙鬢。含情擬四愁。五茸城外雪。片片落征裘。

曹鑑徵

四見

燭崑曰徵之五言律運筆
儻爽設色清麗自是唐音

劉生

任俠走秦中。翩翩氣自雄。
報讐三輔下。結客五陵東。
玉勒羈天馬。雕弧落塞鴻。
相逢俱辟易。家住舊扶風。

少年行

白羽紫貂裘。明珠絡馬頭。
揚鞭入上苑。挾瑟醉倡樓。
第宅連雲起。金張結伴遊。
不愁身未貴。兄弟列

通侯

亭彥曰
典麗

紫駟馬

躑躅過橫門。鋒稜駿骨存。
蹄穿酬一顧。力盡答深恩。
飛鞚黃塵下。揮鞭赤電奔。
不因逢汗血。誰識是龍孫。

老將吟

百戰孤身壯。相看有鬢華。
寒沙驅病馬。荒磧引悲笳。
報國心猶切。封侯事竟賒。
疆場烽火急。白首未

還家。

卜臣日極似隨
州送李中丞作

雲間道中晚泊

野泊兵戈後。汀洲倍寂寥。雲浮初上月。風定晚來潮。
水館黃花落。山城畫角遙。故園如在目。悵望隔清宵。

送林衡者歸閩

兵戈愁阻絕。此去信音稀。故國何如昨。他鄉獨自歸。
蠻雲迷海樹。瘴雨溼征衣。別後相思處。年年少

雁飛。

送盛伯含還金陵

鄉關西去永。執手甞淹留。一水分桃葉。三山拱石頭。
凍雲平野樹。朔雁背歸舟。極目蒼茫外。烟波亂旅愁。

早春廣州朱竹菴自苕溪以書見貽兼致留別之作賦此却寄

忽得南歸信。孤踪那可攀。如何三月別。猶滯五湖間。
嶺嶠梅花落。江天鴻雁還。春風不相待。先到石

羊闕

永仲日是
盛唐合作

花朝日懷朱竹菴

驛路春將半。長亭柳乍絲。家貧為客久。多難得歸遲。
草色千山雨。鶯聲二月時。誰傳江上札。一為道相思。

三月三日掃先茔

風光兼上巳。寒食雨冥冥。曉霧梨花白。春烟楊柳青。
新碑題處士。舊事感蘭亭。歲歲傷心切。迴舟一

涕零

張生來自淞江。值余有吳門之役。以詩見貽。

率爾賦會

遊吳還適越。去住總相違。念我方為客。逢君猶未歸。
那堪同旅食。又值換春衣。此際愁分手。風花日夜飛。

寒食與子殷小飲山塘

客裏逢寒食。相携倒玉壺。鶯花連茂苑。草色上姑蘇。
綠酒飛鸚鵡。紅牙唱鷓鴣。胡姬能醉客。不覺是

窮途。

丙仲將之湖上貽書言別率爾代東

忽在瑤華寄。悽然感別離。雨中孤棹遠。天外片帆移。夜火林公墅。青山伍相祠。今宵何處泊。惆悵隔江湄。

掌公日情景俱絕

五日喜徽之弟至

果應池塘夢。孤帆冒雨來。弟兄今日會。懷抱隔年開。萱草臨階砌。榴花帶酒杯。謝庭能作賦。獨有惠

連才。

交讓曰此詩已為子更所刪予以朴至存之

鶯

弄羽依芳樹。迴翔曉日紅。江南三月暮。啼過百花中。金谷濛濛雨。瑤臺處處風。空閨驚少婦。無夢到遼東。

詠竹

瀟灑迷烟翠。空濛叫子規。楚人江北路。蜀客嶺南枝。雪覆唐蒙碣。雲開帝女祠。誰知空谷裏。獨負歲

寒姿。

孔益日可
被金石

陸

淮 四見

七夕

桂樹香初散。桐陰露漸流。銀河星聚夕。玉杵月明秋。欲辨支機石。空思博望侯。仙人千載去。笙霍自悠悠。

送越石肅陶之廣陵

烟花三月晚。遙向廣陵遊。並轡推言。聯鑣羨二

劉海門。懸日迴天柱。落霞收歌吹。迷樓滿。知君繫

紫騮。

丁胤淦

三見

湖中夜泛

湖上逢新霽。秋風入夜涼。携樽尋勝地。鼓柁向橫塘。叢桂山椒發。殘荷水面香。笙歌無處所。淡淡在中央。

秋日園居

不盡悲秋意。幽居賦遂初。烟低五柳徑。塵滿一床

書河漢明星迴。梧桐夜雨疎。春芳迢遞落。池水浸芙蓉。

古隍日二詩温
栗讀之意親

李 燧 四見

穉賓日闇尚五言律雋
麗秀潔在劉文房之上

巫山高

巫山高十二。天半鬱崔嵬。山氣朝雲合。江聲暮雨催。花明三峽迴。木落九疑開。一入君王夢。空留神女臺。

對酒曲

白紵當歌日。紅霞對酒時。樽開明月迴。筵散落花遲。香入蒲萄樹。光浮鸚鵡卮。年年春色暮。醉飲習家池。

陽春怨

與君遠離別。長自憶遠西。粧閣晴雲麗。珠樓夜月低。庭花舞幽砌。河柳覆春堤。愁聽枝頭鳥。朝朝向妾啼。

宮怨

為識蛾眉妬。新裁舞袖寬。粧成鸞閣曉。曲度鳳樓寒。芳草縈金井。飛花映玉欄。不堪深苑閉。夜月五更殘。

交讓日

輕倩

入塞曲

百戰圖麟閣。名成在朔邊。弓韜青海月。幙卷黑山烟。竹虎能歸國。金人不祭天。廟堂持勝算。都護且屯田。

至錢塘作

積陰連晦朔。江水壯增波。日暮行人少。秋深木葉多。千峯雲際合。一雁客中過。欲采芙蓉秀。其如搖落何。

金華道中

驛舍殘碑在。荒郊古廟餘。天高寒渚濶。木落遠山疎。宿霧迷征騎。流雲傍客車。汀洲頻悵望。秋水映芙蓉。

二

臨岐惆悵別。疋馬婺州東。峰轉千村失。山窮一徑

通水邊迴落。炤樹杪見飛鴻。極望丹楓落。蕭蕭逐晚風。

子更曰
清森

咏馬

見說來西極。曾聞出頗黎。騰光朱汗沫。噴玉紫駟嘶。豈是驚香氣。還疑惜障泥。章臺遊戲日。春草路應迷。

周

珽

三見

赤茂曰莊
麗似李嶠

詠竹

弱幹凌霄峻。貞心比石堅。湘江昨夜雨。梁苑古時烟。習習涼生榭。漪漪綠覆川。自來秉勁節。曾得子猷憐。

松江晚發

解纜乘江月。扁舟問水程。平沙聞雁度。遠浦聽潮生。野樹春星密。朝霞曙海明。行行倍惆悵。回首獨含情。

掌公曰清
輝襲人

周振璜 三見

稗官曰渭揚五言律
英英獨照並駕錢劉

遊廣陵瓊花觀

閨苑春歸後。僊葩不再繇。烟消玉藥白。風掃石壇寒。蒼鼠緣荒殿。青松俯曲闌。應憐芳樹盡。况復值秋殘。

重遊平山堂

亂峯不可極。一望白雲深。流水縈孤渚。悲風薄遠林。烟霞古寺迴。鐘磬夕陽沉。為問經遊地。凄其感

客心。

京口遇雪

雲暗朔風驕。瑞花六出飄。城鳥迷古堞。江雁落寒潮。色映千巖白。光連萬頃遙。羈人渾不寐。修竹夜蕭蕭。

卜臣日景
調適逸

遊甘露寺

高峯連北固。峻嶺障南徐。野曠平蕪沒。天寒落木疎。石壇留漢碣。碧殿署梁書。佇望滄江暮。孤帆夕

柳洲詩集
卷六
照餘。

曉發姑蘇

城上曙鳥啼。星沉月欲低。纜經楊子驛。又過越來谿。
谿翠落山光。曉波平帆影。齊松陵遙入望。古樹白雲迷。

曉發橋李

擊楫向中流。明星逐浪浮。雲迷蒼樹合。風送綠蘋稠。
宿鳥驚殘夢。寒蟬咽曉秋。孤帆從此去。烟水正悠悠。

重經丹陽有懷輝六

練湖木葉落。此地又重過。岸澗飄蘆葦。林深帶薜蘿。
故巢新燕去。青嶂白雲多。同侶長相憶。迢迢奈爾何。

送從兄往泰州

共作邗江客。淹留纜兩人。如何車騎駕。更歷海陵津。
獨處知才拙。交疎覺誼親。彼鄉多蘭蕙。採擷恐經旬。

交讓曰是長卿佳作

南歸阻兵兼值雨雪

欲問南還路。三軍夜渡河。旌旗縈楚粵。朦朧蔽江
沱。檄下牂牁郡。營傳勅勒歌。朝來風雪緊。歸計可
如何。

友使南歸東家中諸弟

向讀蕪城賦。思從明遠遊。棲遲揚子驛。不斷阮公
愁。雨雪谿山冷。冰霜道里悠。歸期未可卜。心逐大
江流。

蔣會貞 三見

錫山曉發

錫山一以眺。烟樹鬱蒼蒼。倚棹隨晨月。揚舲帶曉
霜。盈盈寒水斷。渺渺朔雲翔。鷓首衝波去。羈愁自
此長。

渡河

僕僕無寧歲。臨流嘆逝波。幾時離越嶠。復此渡黃
河。水落濤聲小。風微帆影多。明朝馬首北。霜雪送
鳴珂。

赤茂日寄

託遙深

張辰 二見

遊虎跑寺

化域逢搖落。禪宮掩寂寥。泉流時斷續。塔迴自雲霄。
萬樹經秋麗。諸天入望遙。去來無住著。常對浙江潮。

徐時來 二見

關山月

紫塞微雲斷。清光冷玉關。朔風沉夜角。白草出寒山。
有夢龍堆去。無書雁足還。征夫應未卧。一望改

朱顏。

雨雪曲

萬里黃雲合。霏霏雜雨聲。河水連積石。海色暗長城。
草變明妃塚。旌凋漢使營。封侯猶未遂。皓首自從征。

李光堯

後學魏儒炎全校

周儀世

此處為書中文字，因圖像遮擋，內容難以辨認。

